

鬱

岡

齋

筆

塵

鬱岡齋筆塵第三冊

金壇王肯堂字泰甫

亢龍

六月廿八日余正寒熱時季弟從金陵歸遺余以新刻李卓吾先生易因余力疾閱之一條云知進知退便是聖人便不失正不至待其亢也故時有亢而聖人無亢故重言聖人以勉之余意竊不謂然夫聖人無亢則亢不可以爲龍龍六也而缺其一矣則又何以言六位時成乎哉

夫臣之事君有死無貳常道也天下有道則見
無道則隱亦常道也然而有不可拘者桀紂毒
痛四海而莫之救則湯武不得不行弔伐之事
管蔡與武庚叛則周公不得不案王法而誅之
當春秋時夷亂華侯僭王亂臣賊子接迹于天
下則孔子不得不轍環列國且退而作春秋尊
周攘夷而使亂臣賊子懼是皆勢窮理極萬不
得已而後出乎此豈聖人之初心哉故曰與時
偕極又曰窮之災也不然則是夷齊叩馬沮溺

植杖其不能乘風雲而變化明矣而又何以爲
龍德乎故貴而無位湯武是也高而無民周公
是也賢人在下位而無輔孔子是也或曰湯武
爲諸侯矣何云無位曰以位則天子乃可以廢
置諸侯而諸侯僅可以廢置大夫今湯武以諸
侯而廢置天子則不以位也故曰無位也周公
何以無民也曰豕宰統百官均四海而不得于
一民非無民而何孔子有七十子矣何以云無
輔也曰七十子從孔子學者耳不可以言輔輔

之云者。執此掖之。以致于用者也。君相是已然。則聖人時亢而亢矣。而又烏乎有悔。曰湯放桀。桀有慚德。則既著于書矣。周公之於管蔡亦然。夫臣伐君。弟誅兄。聖人以爲吾時行而行得理。義之中正而無悔心焉。吾不信也。孔子之有悔。何據也。曰浮海之歎。居夷之欲。皆是也。故知進而不知退。知存而不知亡。知得而不知喪。聖人之處亢也。知退而不知進。知亡而不知喪。聖人之處亢也。如賢人之處九則任。

世界之平沈而已矣聖人則不然其知進而不
知退知存而不知亡知得而不知喪也乃所以
爲知進退存亡而不失其正也故兩言其唯聖
人乎于以見亢之爲龍也于以見非聖人不能
亢也至于漢有霍光者無龍德而行伊周之事
卒不免于赤族之禍然後知聖言之有味也

一倍瞻視

楞嚴經云卽時如來垂金色臂輪手下指示阿
難言汝今見我母陀羅手爲正爲倒阿難言世

聞衆生以此爲倒而我不知誰正誰倒佛告阿
難若世間人以此爲倒將何爲正阿難言如來
豎臂上指於空則名爲正佛卽豎臂告阿難言
若此顛倒首尾相換諸世間人一倍瞻視則知
汝身與諸如來清淨法身比類發明如來之身
名正徧知汝等之身號性顛倒隨汝諦觀汝身
佛身稱顛倒者名字何處號爲顛倒無盡居士
云如來一臂換首爲尾換尾爲首等無差別世
間之人一倍瞻視故有正倒紛紜之見若悟一

臂首尾相換見性無移何處更有正倒名字舊
解云以正爲倒以倒爲正誤也何謂一倍瞻視
曰眼識現量緣境得法自相後起意識便增一
番分別故曰一倍瞻視後云迷中倍人謂卽迷
中一倍瞻視之人耳

姬

葉夢得乙卯避暑錄話云周人以姬爲姓故周
之諸女皆言姬猶齊言姜宋言子也自漢以來
不復辨類以爲婦人之名故史記言高祖居山

東好美姬漢書外戚傳云所幸姬戚夫人之類
固以失矣注漢書者見其言薄姬戚姬虞姬唐
姬等皆妾而非后則又以爲衆妾之稱近世言
妾者遂皆爲姬事之流傳失實每如是按此語
誠然然毛詩東門之池云彼美淑姬可與晤歌
成九年左傳引逸詩云雖有姬姜無棄憔悴意
皆泛指美女而不專于周齊之出則不始于漢
矣詩疏謂黃帝姓姬炎帝姓姜二姓之後子孫
昌盛其家之女美者尤多遂以姬姜爲婦人之

美稱是則承襲而用者固無所傷然亦不可不知其故也

借書

顏氏家訓曰借人書藉皆須愛護先有缺壞就爲補治此亦士大夫百行之一也然人之借書因而不還者多矣能如顏氏之訓者百無一二故世俗有激而爲之言曰借書與人爲一痴還書爲一痴甚言書之不可輕借與人也而字書有繞字讀若痴注云古之借書盛酒瓶也酒罌

盛書亦太不韻此必未解攘人書者借亦何妨
聞見錄云嘗疑借書還書理也何痴之云後見
王樂道與前穆四書云出師頌最絕妙古語借
書一橈還書一橈乃知今人訛以橈爲痴也余
謂還書固是理無奈不循理者多何二說並存
之可也

知來

余座主故禮部侍郎陸葵日先生素不善人談
將來禍福嘗謂余曰卽今嚴君平邵堯夫而在

吾不貴也余曰何也先生曰禍福之來也出於
不意卒然而遭之故福可喜而禍不可辭亦且
安意受之而無憾何用預知預知之則可喜者
索然無味而可憂者先其未至而迎之以攪吾
胃無謂也聞余談醫而善之曰若醫則吾之所
重也嘗有日者言余何時有災則問之曰還醫
得否渠以不可對則曰旣不可醫烏用君言又
言主試江西時有一人善談命及吐納葆養之
術可以卻病而延年則誚之曰子之談命有驗

則身之疆疾年之長短有定數矣又可以術而
改疾爲疆衍短令長則命不驗矣所謂以子之
矛陷子之盾也而其人亡以應也

流黃

詩中多用流黃機流黃素而不詳所出蓋本於
古歌云大婦織綺羅中婦織流黃小婦無所爲
挾瑟上高堂梁簡文帝徐陵盧詢虞世南俱有
中婦織流黃詩按廣雅云鬱金流黃綦綺環濟
要畧云正色有五謂青赤黃白黑也間色有五

謂紺紅縹紫流黃也今俗名火裏烟卽紺銀紅
卽紅月下白卽縹紫不待言四者之外唯缺綠
耳綠者黃與青相間之色故曰流黃亦曰留黃
說文蒹草也可以染留黃通釋以爲紫赤黃之
間亦是臆說漢書諸侯王金璽縹綬晉灼曰縹
草名出現邪平昌縣似艾可染綠因以名綬晉
百官令三公綠縹綬古字多通用蒹縹綬一物
耳字學諸書歷歷可據則流黃之爲綠色明矣
又會稽竹簟供御號流黃簟當亦以其色名之

或謂以其織文黃色滑膩若流故曰流黃不知何處沈雲卿詩誰爲含愁獨不見更教明月照流黃機耶簾耶皆未可知也名義考乃直以爲簾則中婦乃織簾乎亦窒而果矣

罽毼

漢書文帝紀十年未央宮東闕罽毼災師古曰罽毼謂連闕曲閣也以覆重刻垣墉之處其形罽毼然則罽毼另有物此特象之耳而又云一日屏也五行志註則云罽毼闕之屏也博雅亦

謂之屏釋名曰罽罽在外門罽復也罽思也臣
將入請事於此復重思也古今注云罽罽復思
也合板爲之亦築土爲之每門闕殿舍皆有焉
郡國前亦樹之然則今之照屏是已名義攷見
殿廷夏月以黃絲爲網自檐及階張之遇視朝
則捲朝罷復設以爲卽罽罽之遺制引唐蘇鶚
曰罽罽从网是形謂織絲之文輕疎浮虛之貌
蓋宮殿檐戶之闕也唐文宗甘露之變出殿北
門裂斷罽罽而去溫庭筠補陳武帝書罽罽畫

卷此皆可證若屏與曲閣則字不當从网又豈可裂斷可捲耶按顏師古生於唐初夙稱博物其注罽罽已無定見中晚事辭豈足爲據劉熙崔豹去古未遠恐竟當以照屏爲是

予虛賦罽罽因彌山則罽罽之爲網無疑而謂施之殿廷則非也當是刻彫玲瓏如網狀以爲屏取其爲限隔而又可以見外耳而後代務苟簡乃合板爲之今兩京部堂前照屏卽其遺制至於築土則小邑之貧陋者也

返壁

今於人所餽遺有不受者恒曰返壁蓋用左傳
晉公子重耳事僖二十三年僖負羈乃饋盤餐
寘壁焉公子受餐返壁是也而昧者誤以爲藺
相如事乃新其詞曰完璧曰歸壁甚至曰歸趙
夫秦恃彊詐而取之相如以死爭懷歸此何等
事乃施用於和好之交際不亦諄哉

濫觴

江之始出于岷山也其流可濫觴而已言其發

源之甚微也今乃以末流之猖獗者爲濫觴誤之甚也

浮屠

梵語佛陀達摩僧伽卽三寶也浮屠卽佛陀之轉音而唐人率呼僧與塔皆爲浮屠後人因承襲之誤之大者不可以不正

龍鍾

詩文以龍鍾爲老態而不詳其義蘇鶚解以爲不昌不翹舉之貌亦不能釋字義也楊用修云

龍鍾竹名年老曰龍鍾言如竹之搖曳不能自禁持也按龍鍾特竹之一種耳凡竹枝葉皆搖曳何獨取此竹爲名南越志云羅浮山第三十一嶺半是巨竹皆七八圍長一二丈葉若芭蕉謂之龍鍾竹則竹之至大而不高者必無搖曳明矣埤倉云躑躅行不進貌一曰小兒行也然則假借幼態爲老態而龍鍾又字之假借者耳

天祿辟邪

楊用修以天祿爲大蝦蟇真可發一笑陳晦伯

作正楊雖斥其誤而止引瑞應圖靈帝紀注爲證亦欠明不知漢書西域傳注中已詳明矣烏弋山離國有桃拔師子犀牛孟康曰桃拔一名符拔似鹿長尾一角者爲天鹿兩角者爲辟邪今人有志乎博洽者率以左國史漢爲熟爛而欲搜竒索隱以見長不知適增其寡陋可歎也

雉堞

今人常呼城上女牆爲雉堞蓋本於春秋傳及周禮左傳都城過百雉國之害也公羊傳家不

藏甲邑無百雉之城雉者何五板而堵五堵而雉百雉而城周禮名城以五雉七雉九雉釋者謂一雉之牆長三丈高一丈而雉所以名之義未詳按爾雅翼云澤雉十步一啄百步一飲因地之墳衍以爲疆界分而護之不相侵越一界之內要以一雉爲主餘者雖衆莫敢鳴埤雅云雉鷄類也不能遠飛崇不過丈修不過三丈故雉高一丈長三丈也古者數數以萬度度以雉前說主畫地而守後說主尺度合而觀之而名

堞爲雉之義了然矣羅壁識遺乃引申生雉經以爲雉性耿介被獲必屈折其頸而死言申生以介死也今以死守望封疆之臣故名雉不以鑿乎

五夜

今人常呼五更爲五夜按漢舊儀中黃門持五夜之法謂甲乙丙丁戊也顏氏家訓或問一夜何故五更更何所訓答曰漢魏以來謂爲甲夜乙夜丙夜丁夜戊夜又謂之五鼓亦謂之五更

皆以五爲節西都賦亦云衛以嚴更之署所以
爾者假令正月建寅斗柄夕則指寅曉則指午
矣自寅至午凡歷五辰冬夏之月雖復長短參
差然辰間遼濶盈不至六縮不至四進退常在
五者之間更歷也經也故曰五更爾後人又呼
丙夜爲子夜謂日臨子位於時爲子也又爲午
夜謂半夜時如日之午也故李長吉七夕詩云
羅幃午夜愁杜少陵所謂五夜漏聲催曉箭則
正謂戊夜耳

𪔐字

司馬相如子虛賦云徼𪔐受詘上林賦云窮極
倦𪔐皆用𪔐字𪔐音與劇同說文云𪔐勞也徐
氏云相踣𪔐也燕人謂勞爲𪔐从𪔐谷聲谷其
𪔐切說文云𪔐上阿一曰笑貌與山谷之谷不
同卽古文𪔐字今本史記作𪔐漢書作𪔐文選
作𪔐當以𪔐爲正左从谷不從谷右从𪔐不从
𪔐今乃作𪔐則音桓非勞倦意矣方言云𪔐𪔐
𪔐也今江東呼極爲𪔐音劇外傳曰余病𪔐矣

殽餽飭總是一字僂卽倦字也王元美先生詩
文亦往往誤用飭字恐承襲無已聊爲正之

𪔐字

今人謂引物從喉而出之口其音與壑同醫書
作咯字書咯音各雉鳴也然各字本从口从欠
烏得復加口乎則亦俗字耳春秋左傳哀二十
五年衛侯爲靈臺于藉圃與諸大夫飲酒焉褚
師聲子韞而登席公怒曰臣有疾異於人若見
之君將𪔐之是以不敢見杜註云𪔐嘔吐也音

許洛反正與壑同而不知製字本指何以从青
从殳今字書亦不載此字

日體大於地月體小於地

西域人利瑪竇言日體大過於地人頗駭而不
信言其所以則確乎不可易也今著其說于左
方

論日體大過山海大地總毬月小於地 凡三
題


第一題照視皆以直線



凡光之射物皆從一線光不能
曲線必須直也與光相對中無
間隔從此照彼光之所及謂之
直線相對之背則爲相對之面
形體所隔若欲見者必從彼處
反觀非從此視彼直光能及縱
欲從此視之則必放光過彼相
對之處然後曲回其光以照彼背是謂曲線
光難曲轉照視不成若有曲照處處光明應




無黑闇而出物影今物影宛爾曲照難成矣
故曰照視皆以直線

第二題圓尖之體其底必大



物皆有底而未必大唯物尖者
其底必大蓋底齊者首尾必等
底小者未必反大故底不大則
尖義不成矣試以圓尖之物圈
圈斷之則近尖圈小近底圈大
愈差愈遠理勢必然

第三題光體大物體小必照大半而其黑影必
尖此尖體以所照半圈爲底




能照之光體大過所照之物體則黑影必尖
能照光體與所照物體齊等則黑影亦必
齊等 能照光體小於所照物體則黑影必
大 蓋物與光等則一半入光物大於光則
少分入光二者皆無光過物體之半不能倒
射以出尖影故相對之背黑暗無窮譬喻筭
數所不能及唯光體大過於物則物大分入
彼光中而光過物體之半矣故能出尖影而
其影有限有限者以過體之光倒射而限之

也影之尖者其底必大型在第二尖影以黑暗爲體必以物之受光盡處相對之背黑暗初起之圈爲底

論日大於地月小於地

日在第四重天上月在近人第一重天上相去不知幾千萬里或東西南北日月相對則地居其中月食之時與日對度被地間隔月居地與日光相對之背黑影之中無從受日之光故地上人見其食以此觀之日月地三

者之大小昭然可見矣



問何以知月小於地曰地能遮月之光則月
體小於地矣月在天上度低而近於地則居
近黑影底邊底大故復光遲月在天上度高
而遠於地則居近黑影尖處尖小故復光速
大約月食之時在地影中奔走四刻而後出
影復受日光豈非地大於月乎 問何以知
日大於地日月食之時地有尖影則知日光
體大而地爲小物故其暗影有限而尖理在第三
問影之尖者其體小光體大者其影尖我無

疑矣然與光齊大之物或大過光體之物皆

能蔽光而有黑暗之影何以見蝕月地影為

尖影也答光之射物不能曲轉皆從直線在

第一 若齊大者齊謂物等於光相對之背黑

影無窮月未食時星當有食謂與日對度有

窮星當有食矣月既食時星當隨食星天雖遠無窮

乃至第八宿天皆當暗蔽今不爾者其影有

盡有盡之影非齊非大當是尖影矣所照之

地影既尖則能照之日體豈不大乎理在第三

交友

利君遺余交友論一編有味哉其言之也病懷
爲之爽然勝枚生七發遠矣使其素熟于中土
語言文字當不止是乃稍刪潤著于篇 吾友
非他卽第二我也故當視友如已焉 我與彼
二身也二身之內其心一而已夫是謂之友
孝子繼父之友如繼其產業焉 有爲之君子
苟無異仇必有良友 未交之先宜察旣交之
後宜信 友之饋友而望報焉非饋也爲市焉

耳矣 銜恨每深于懷恩記仇常切于思友豈
不驗世之弱于善彊于惡哉 人情叵測交誼
難憑今日之友後或變而成仇今日之仇亦或
變而爲友可不懼乎可不慎乎 交友如醫疾
然醫誠愛病者必惡其病也彼以救病之故傷
其體苦其口醫不忍病者之身友宜忍友之惡
乎諫之諫之何恤其耳之逆何畏其額之蹙
友之譽仇之訕皆不可盡信焉 友之無所以
善我與仇之無所以害我等耳 友者過譽之

害較仇者過訾之害尤大焉

友人譽我我心則
而自矜仇人訾我

我或因
而加謹

友之定於我之不定事試之可見矣

我所能爲不必望友代爲之

友者古之尊

名今出之以鬻比之於賄惜哉

多密友則無

密友矣

友之道廣矣雖至不肖如盜非友不

能行焉

吾幸而終身無禍患則終身不識友

之真僞矣

視友如已則遐者邈弱者強病者

愈何必多言哉死者猶生也

吾有二友訟於

吾前吾不欲聽而判之恐一以吾爲仇也吾有



二仇訟於吾前吾猶可聽而判之必一以我爲

友也 友之職至於義而止焉 友友之友仇

友之仇是爲厚友吾友必仁則知愛人知惡人故我據之 不扶

友之急則臨急無助者 天予人以耳目手足

無不兩而成身者苟非兩友相助事何由成乎

友字古篆作也明字古篆作兩字始能飛古賢者視

明豈不如是 視其人之友如林則知其德之厚視

其人之友落落如晨星則知其德之薄 吾榮

時招之始來吾患時不招自來真友哉 世間

之物多各而無用同而始有益也人豈獨不如是耶 交友之旨無他彼有善長於我則我效之我有善長於彼則我教之是學卽教教卽學互相資矣向使彼善不足以效彼不善不足以教其與羣嬉以譴而虛糜駒隙者何以異哉

有人於此信道未篤執德未固出好入醜心戰而未決如欲剖其疑培其德而援其將墜計莫過于交善友蓋吾所數聞所數見漸透於膺豁然開悟如行霧露之中能免沾濡乎嚴哉君子

嚴哉君子時雖言語未及聲色未加亦有德威
以潛沮其邪心而消其戾氣矣 歷山王

太古總

咸求友賢士善諾而使人先之以幣爲金萬鎰
善諾艱然曰此何爲而至我王以我爲何人哉
使者曰不也王知夫子廉故以此爲夫子壽善
諾曰然則當容我爲廉已矣而麾之不受於是
國人爲之語曰王以重貲購士爲友而士弗售
也 有二人同行者一富而一貧或曰此兩人
者爲友至密矣竇法德曰審爾何爲一富而一

貧哉 知友之益者凡出門必獲一新友而後
歸而後不爲徒出也 有以非義事求諸友而
友弗從其人曰爾弗從我所求何復用爾友乎
友曰爾以非義事求我何復用爾友乎 世無
友如天無日人無目矣 國家可無武庫而不
可以無友 友也者爲貧之財爲弱之力爲病
之藥焉 是的亞北方國名俗獨得友多者稱之爲
富也 客力所西國王名以匹夫得大國有賢者問
其何以得國答曰惠我友報我仇賢者曰不如

惠友而用恩致仇爲友也

墨臥皮

古之士

析安

石榴或問之曰夫子何物願獲如其子之多耶

曰忠友也

近言

利君又貽余近言一編若淺近而其旨深遠矣
亦錄數條置之座右

物有在我者有不在我者欲也志也勉也避也
等我事皆在我矣財也爵也名也壽也等非我
事皆不在我矣在我者易持不在我者難致假

令以他物爲己物以己物爲他物必且倍情必
且拂性必且怨天必且尤人若以己爲己以他
爲他則氣平心和無所抵牾無怨無咎蓋無害
也是故凡有妄想萌於中卽察其在我乎不在
我乎如其不在我者置之可矣

欲之期期得所欲也避之期期不遇所避也故
不得所欲謂不幸焉遇其所避謂之患焉藉令
吾之欲惟欲吾之可得者吾之避惟避吾之所
不遇者則豈不長有幸而無患哉爾覲祭祿康

壽爾畏貧賤病夭固不免時不幸而屢患也

游富貴之門者富貴之人以珍羞饗之以統綺
遺之爾弗得焉勿以爲憂何則彼所爲爾弗爲
之則彼所得爾弗得之彼以便辟以諂諛斯得
矣爾不欲便辟諂諛而復欲得便辟諂諛者之
所得弗思耳不予其價能取其物乎如爾適市
有買菜者捐錢若干而爾不然爾不妬夫獲菜
者也彼携菜而去爾完橐而往等耳富貴者之
無饗遺于爾無他焉價未至也彼以順以譽賣

之矣爾欲其貨勿惜其價矣雖然珍羞統綺於
我何有焉不苟從不苟譽存直蓄忠於已所得
不旣多哉

適遇難事非我所願又非我所能避則在乎用
智以善處之士之行世其猶博塞之精者乎值
勝數而勝夫人之所能也值不勝之數而善運
之以使勝是以智易其不勝之數也

有傳於爾者曰某訾爾指某某過失爾曰我猶
有別大罪惡而彼不知不然何所訾止此歟認

已之大罪惡而所指過失固不辯也

倘有受益於物而愛之爾極思夫何物類也從輕而暨重焉愛盆盎曰吾愛瓦器則碎而不足悼矣愛妻子曰吾愛人則死而不足慟矣瓦者毀人者喪常事也難免也

欲安靜其心當捨俗心俗心曰吾不汲汲于恠惜則不免饑餓矣不恒怒則臧獲不賢矣吾意寧甘心死於饑餓也無寧苦心生於豐饌也寧臧獲爲不賢也無寧我爲不肖子也卽其小者

而始焉如忽瀉燈油忽破罌缶且毋駭怒而默
詢於已曰心之安靜貴耶天下貴耶心之貴無
疑矣今何不買之以勺油片瓦乎欲得其物輒
捐其價耶又爾呼童子童子不應彼或未之聞
可原也或聞而有所避固當譙讓雖然豈可因
彼心之惡而遂暴怒以挫損吾心哉

物無非假也則毋言已失之惟言已還之耳妻
死則已還之兒女死則已還之產業爲人攘奪
獨非還乎然彼攘奪者惡人也吾假物於人人

遣使索之吾豈論其使者善歟惡歟但物在吾手須愛護之如他人物焉

嘗有所遇諸不美事爾卽諦思何以應之如遇惡事吾必有善以應遇勞事吾以力應遇貨賄事吾以廉應遇怨謗事吾以忍應猶敵人以矛鋌我我設甲冑以備之又何徒懼乎

爾之處世當如作客然與同宴飲列坐于席脩醴厚薄由乎主人爾無責望彼行炙人以次當下爾徐取之行過不下爾毋援之行而未至爾

母迎之爾所服御如此妻子如此賄貲如此權
勢如此則爾且爲天主所延而宴之乎清都太
微之間矣

人生世間如俳優之在場所爲俗業如搬演雜
劇諸帝王宰官士人奴隸后妃夫人婢妾皆一
時裝飾者耳則其所衣衣非其衣所逢利害不
及其躬搬演旣畢解去裝飾則漫然不相關矣
故俳優不以分位高卑境界順逆爲憂喜也唯
隨其所克者而肖之乃至乞丐亦無不酷肖以

適主人之意而已矣分位在他充位在我

今之養形者如多飲多食多眠多色是賤丈夫之效也君子之所重者心耳彼形事則耻之卽不能絕姑輕事之耳夫吾身譬則馬也而心譬則子也養馬者整其廐櫪豐其芻豆華其羈縶而令其子餒焉凍焉殍于溝壑夫賤丈夫乎嗚呼今之賤丈夫盈城而人莫之惜也

爾之身或爲虜掠而賣之爲奴隸係縶之則不勝愧且恨爾之心日受役于物爲物所束縛而

乃熙熙乎哉

君子毋自伐自伐也者無實矣爾在學士間毋
談學以身踐之可也評隲古今宜讓齒德之尊
者毋輕置喙焉道集虛德集謙愈下人則愈上
人矣設因爾詡而譏爾爲無知爾喜之爾學不
既有符矣乎蓋羊之示飽非吐草之謂也其腹
果然其毛油然而牧已知矣

歸除開方算法

算法至開方而稍稱難矣以其有實而無法須

用商除故也新得歸除開方法著之以便初學
積一十五億九千一百〇五萬二千五百四十
四步 問平方一面幾何

答 三萬九千八百八十八步

法曰置積爲實初商三萬步於左亦置三萬
於右下左右相呼三三得九除實九億

九除十還

一餘實六億九千一〇五二五四四却以右
下三萬倍之爲六萬就呼見六無歸作九六
變六爲九下位加六卽係次商得九亦置九

於右六萬之下左九對右九相呼九九除八
十一餘實七千〇〇五萬二千五百四十四
再以右邊廉法九倍之共七萬八千呼見七
無歸作九七起一下還七卽係三商得八亦
置八於右邊七萬八千之下呼八八除六十
四又呼八八除六十四餘實七百〇一萬二
千五百四十四又將右廉八除二進一十共
七萬九千六百又呼見七無歸作九七起一
下還七卽係四商得八亦置八於右六百之

下對左八相呼九八除七十二六八除四十
八八八除六十四餘實六十三萬八千一百
四十四再於右隅法八去二進一十共七萬
九千七百六十首呼七六八十四卽係五商
得八亦置八於右方六十之下右對左八相
呼八九除七十二七八除五十六六八除四
十八八八除六十四盡

積一萬五千六百二十五步問立方一面幾何

答 二十五步

法曰置積爲實初商二十步於左亦置二十
於右下自乘得四百步與上商二十相呼二
四除實八十餘實七千六百二十五步却以
右下四百步以三乘之得一千二百爲法歸
除之呼逢五進五又呼二五除一千另置初
商二十步以次商五步乘之得一百步以三
因之得三百步加入自乘次商五步得二十
五步共三百二十五步於右與次商五步相
呼除之呼三五除一千五百步又二五除一

百步又五五除二十五步積盡

積一億○二百五十○萬三千二百三十二尺
問立方一面幾何

答 四百六十八尺

法曰置積爲實以七千萬該商四百尺於左
上又置四百尺於右下自乘得一十六萬相
呼一四除四千萬又四六除二千四百萬餘
實三千八百五十○萬三千二百三十二尺
却以右下一十六萬尺以三乘之得四十八

萬爲法歸除之呼四三七十二少除呼四歸
起一下還四呼六八除四十八另置初商四
百尺以次商六十尺乘之得二萬四千尺以
三因之得七萬二千尺爲廉法加入次商六
十尺自乘得三千六百尺共七萬五千六百
尺却以次商六十尺相呼除之六七除四十
二又五六除三十又六六除三十六餘實五
百一十六萬七千二百三十二尺以方法四
十八萬併入兩箇廉法七萬二千再併入隅

法三箇三千六百尺共得方法六十三萬四千八

百尺爲法歸除之呼六五八十二呼三八除

二十四又呼四八除三十二又八八除六十

四右下之法不用再置所商共四百六十尺

以次商八尺乘之得三千六百八十尺以三

因之得一萬一千〇四十尺併入再商八尺

自乘得六十四尺共一萬一千一百〇四尺

又以次商八尺相呼除之一八除八萬又一

八除八千又一八除八百又四八除三十二

尺恰盡

西曆

回回西域馬可之地年號阿剌必束異人馬哈
麻之所作也其元起于隋開皇十九年己未歲
其法常以三百五十五日爲一歲歲有十二宮
宮有閏日凡百二十八年閏三十有一日又以
三百五十四日爲一周周有十二月月有閏日
凡三十年閏十有一日歷千九百四十一年而
宮月甲子再會其白羊宮第一日日月五星之

行與中國春正定氣日之宿直同其用以推步
分經緯之度著凌犯之占曆家以爲最密元之
季世其曆始東逮我 高皇帝造大統曆得

西人之精于曆者命欽天監以其曆與中國曆
相參推步迄今用之今按歲之爲義於文從步
從戌謂推步從戌起也白羊宮於辰在戌豈推
步自戌時見星故歟

惟西曆中曆黃道赤道宿度相通法

置中曆周天赤道三百六十五度二五七五以

西曆周天三丁六十度除之得西曆度法一度
○一四六不盡一十五秒

置中曆各宿度分以西曆度法一度○一四六
除之得西曆各宿度分共得三百六十度

置中曆赤道起子中虛六度外以西曆度法除
之得五度九一三六加一秒爲西曆入子中度
分置虛宿西度分八度八二八六以入中虛宿
五度九一減之餘二度九一五○爲過中度分
又置半宮一十五度以虛過中度分減之餘得

一十二度○八五一爲危宿入亥初度分又置
危宿全度分一十五度一七八四以危宿入亥
初度分減之餘得三度○九三四爲危宿過亥
度分又置半宮一十五度以危宿過亥度分減
之餘得一十一度九○六六爲室宿入中度分
凡書入初入中俱加一秒以通不盡餘倣此

曆法

中法入曆以冬至加時爲始西法入曆以夏至
加時爲初中曆歲首以寅建朔日爲始西曆歲

首以戌宮一日爲始中曆定星以子中西曆定
星以午中中曆交戌宮初度宿有定度西曆交
初宮初度度無定宿中曆以日爲主天會日則
成歲歲分節氣而無定氣月會日則成朔朔置
閏餘而無定閏西曆以天爲主天分十二定宮
常以戌宮爲首是以春分爲首節氣有定則不
必推氣故不用二十四氣以日分屬宮分不必
推日故不推中積以月流配宮分不必置閏故
不推閏餘七政之行但推某宮某度不用二十

八宿其用七曜日一月二之數卽曆紀甲子其
立成閏日在何年月據七曜之數卽可知矣
唐荆川曰日與天會而成歲故以日不及天之
分秒謂之歲差是歲差者日差也然五星之行
雖遲速各有不同以歲實爲周曆之日以周天
度無有不及故無歲差

歲差古無而今有前遲而後數亦氣化之漸漓
也

月道每移一度四十分爲交日道交於赤道亦

因歲差移動但其差甚微耳每交百年差一度半是也冬至黃赤道有一十四度之差而黃道在赤道外所以黃道歲差比赤道歲差少一十一秒此斜直之別也

中曆星宿不動冬至動而追西曆冬至不動星宿動而進如大統一百年前冬至在箕宿七度六十分成化丁酉歲前一百年後冬至在箕宿五度五十六分計退一度五十分而箕宿之度未嘗動也西曆一百年前冬至在寅宮初度一百年後

仍在寅宮初度其百年前之寅宮初度非百年
後之寅宮初度矣假令百年前之寅宮初度乃
箕宿七度六十分百年後之寅宮初度乃箕宿
五度五十六分不換宮而換星不退冬至而進
星二曆立法不同其歸則一也

中曆以天不動六十餘年爲日不及天一度西
曆以日不動六十餘年天過一度考日南至北
至須正子午之位春分秋分須當地平環上平
分天地東西相直之位則謂日未嘗退而天行

過度亦甚有理也然今天行一日一周而過一度則六十餘年亦只是天行過一度耳

問日行一度謂日不及天一度是謂天周而日周不及一度乎抑謂日周而不及天周過一度乎曰據昨日午中太陽晷影至今日午中太陽晷影漏水每得百刻是日一晝一夜一周天無餘欠也據今日夜半窺筒中星得昨日夜半窺筒中星漏水未及百刻至於百刻而已過一度是天一晝一夜一周而過一度也蓋天過一度

而謂日不及天一度耳非謂天周而日周不及一度也若不據日晷不可以知日之一周天不據星筒不可以知天之過一度無惑乎謂天周而日周不及矣

曆始於黃帝筭立於容成是曆筭初創未能有一定之法也三代而下造曆羣賢各有增創如太初起之以律而候氣於黃鍾大衍符之以易而較數於分秒授時准之以晷而測驗於儀象是今日愈精而愈密矣或謂古曆有一定之法

蓋不知曆而云耳

唐荆川曰經度黃道歲差約百年差度半積六
千年差一象限一萬二千年差半周天經度差
一象則緯度當差二十四度假令冬至日在斗
出赤道二十四度六千年後差一象限則前時
冬至度以作春分度止與赤道交緯度差二十
四度矣經度差半周天則緯度當差四十八度
假令冬至日在斗出赤道二十四度一萬二千
年後差半周天則前時冬至度已作夏至度而

入赤道又二十四度矣較其緯度相去共差四十八度大約二萬四千年而爲一復矣黃道旣移而五星只是隨黃道出入不過七八度可見五星聽命於日也

五星經度疾遲留逆伏見隨日遠近而緯度之出入亦隨乎日之遠近蓋日君也五星臣也故其聽命有如此若月之晦朔弦望固隨日之遠近至於黃赤反復其道出入黃道相距六度亦未嘗紊亂是緯度之變亦隨乎日之南北也但

日爲君而月象后其遲疾之行則自其有所專制而不若五星之盡聽命於日耳

唐荆川曰各曆所命赤道經星度分以赤道南北二十八宿當黃道者取爲距星測而命之此雖歷萬古而不可變也若各曆之黃道宿次度分則因歲差改移其出入赤道南北緯度之變積有四十八度之差又當隨其時之變差而更命之此雖未及百年而不可以爲常也

中曆交黃道二日後纔交春分秋分後二日纔

交黃道西曆日入白羊戌宮是春分前二日交黃道之日也或有在前三日者中曆相距日或有八十八日或有八十九日故也

要求盈縮入曆何故必用減那最高行度此意只爲歲差積久年年欠了盈縮分数却將一箇日中行度那一畧去補那年年欠數剩下的度分方爲所求日行入曆度分用推盈縮曆差方應得所求日行盈縮差度

西曆不置閏月約至三十四年而兩正月如不

究元時以前正月爲本年乎抑以後正月爲本年乎其曰本年月分有閏日本年月分無閏日要當據其前後以爲之加減也否則豈不致於誤減其閏日乎是西曆雖無閏月而有閏年乎須據其元以明其何年爲閏或以中曆而較其閏在何年庶不致差加其閏日而七政中心行度皆不致於差求矣或謂不置閏月則年計混亂終不如中曆之置閏也殊不知年計以宮分定氣爲准又安在於以閏定時而成歲乎

中曆黃道寅申度狹巳亥度濶以分至去極近
交之故也西曆以白羊戌宮之類爲不動的月
而每宮分屬日數則其濶狹宮分似乎不容變
矣故以白羊戌宮爲春正第一日則對冲天秤
辰宮爲秋正第一日而冬夏二至亦爲定度於
寅申之初矣然歲差東移積差至久宮濶狹豈
容不變乎蓋其以宮爲活隨歲變遷但不可以
白羊之像專係於初宮若二分宮分之濶二至
宮分之狹雖歷千古而不容變者也

或云曆法先太太虛以見三百六十五度四分
度之一一一定位然後論天行以見天度加虛
度之歲分歲分既定然後七政乃可齊耳其說
與回回曆法蓋默有相契者矣金水星黃二道
互相徧交星道如出黃初之南爲入黃六之北
如出黃六之南爲入黃初之北所以作譜反用
黃道兩周乃盡出入黃道南北緯差之變若土
木火之星道交有定宮只用黃道一周而南北
緯差之變已盡矣火星周速而差多故分二譜

其實非用黃道二周也

唐荆川曰月與土木六宮半周天而一交火星
行二百七十五日歷四宮而一交金星行一百
十七日歷四宮而一交水星行四十餘日不勾
二宮而一交

五星疾遲留逆段日平度雖各不齊但殊於周
率之內而不差於周率之外其周率平行度分
又有盈縮加減以爲定度然盈縮相消亦只以
平行度爲實耳

唐荆川曰作曆造月道而不造星道盖未備事也然星道以經度去日之遠近爲緯度距黃之濶狹况經度之自逆而順又成緯度之勾已是星道委曲萬殊所以不容於易造也

中曆金水先日而日追合之故限度段整用周率度火木土後日日行一周而後追合之故限度段除去日周止用餘數限度段加一日周始於周率合金水先日所以有退合金木土原不及日退則與日益遠所以無退合金木先日所

以先夕見火土木後日所以先晨見凡先日皆夕見不及日皆晨見也

西曆太陰五星譜土木大約百八十度而半遲疾故一度當一度所謂十二宮者真是十二宮也月三宮而半遲疾故用加倍相離所謂二十四宮者乃十二宮也水星兩宮而半疾遲故用三倍相離所謂十二宮者乃四宮也火星三百六十餘度而半遲疾故日止半度所謂十二宮者反是二十四宮也西曆作此齊譜無非欲便

於筭法自初宮至五宮爲加六宮至十二宮爲
減之二句非有深奧義也

五星緯度自行定度止於一百二十度是以一
百二十度該十二宮也每宮止得十度小輪心
定度止於六十度是以六十度該十二宮也每
宮止得五度所列一百二十度六十度仍作譜
而約其宮度之號數非星所行之實度數也其
立推步之法不過是變其得經宮度以合於緯
度之譜而求其緯度耳其知緯度之變而作譜

筆塵 三
之意又在於外也

五星入曆遲疾與太陰之轉周同但五星又因
太陽而有遲疾不與太陰同也

唐荆川曰土木火三星因行度遲則周率遲金
水二星因行度速則周率速

加倍相離度一日行二十四度二十四分差三
度二十七分加本輪行度十三度○三分共一
十六度半得第二差一度一十七分又以比較
二分乘遠近三十四分得一分○八秒共得爲

太陰遲疾行一度一十八分

唐荆川曰太陰第一第二加減如母子得子則不用母五星第一第二加減如兄弟相併而各致其用

月緯立法妙絕月初交黃道則南北之度速去黃道遠則南北之度遲月初交黃道每經度十二差緯度一至象限滿處三十一度差緯度一月五星譜皆從與日合度初交黃道處做起經緯度皆合於日是起處也

星命

今星命家亦論通關加臨而不知天地盤之說
陋矣夫日之一月而過一宮暮年而周十二宮

者此天盤也日之一時而臨一宮

臨子則為子
時臨午則為午

午一晝夜而周十二宮者此地盤也天盤常運

而不停凡日月五星四餘之度數皆從之而定

焉天地盤一定而不移凡從歲月榦枝所起神

煞如天狗天德之類皆從之而定焉如余命太

陽在辰以申時生則天盤之辰加地盤之申而

地盤卯上實見天盤之亥故亥宮安命凡七政
四餘之在辰者皆當書於申之外盤而天狗天
德之類却於內盤書之不易之理也如今星家
盤只是地枝一定之位而却以麗天之曜與方
位神煞強而同刻首伏吟體外其冰炭矛盾可
勝道哉余恒爲星家書之而不能解卽解者亦
不能幡然而改然而後世必有行吾說者矣
星家以日安命以癸安身其理未有言之破的
者蓋得西域祕書而後知其說西域之術凡選

擇占候皆看東方是何宮分出地平環上卽爲
命宮不獨論人生命而已此卽六壬月將加時
之法皆以太陽爲主意者人生於寅動於卯而
卯爲日始出之方也歟其書定受胎度數之法
云先賢亦的里思說若人生下時節看太陰在
何宮度只此宮度便是受胎安命度數受胎安
命時太陰宮度卽便是人生的安命度數凡人
懷胎有三等日月有多有少有得中者最少者
是太陰行周天九遭半計二百五十九日近一

十三箇時辰中等者是太陰行周天一十遭計
二百七十三日又近五箇時辰最多者是太陰
行周天一十遭半計二百八十六日又近二十
一箇時辰凡人生時看太陰在地平環上或地
平環下若在地平環下宮從命數至太陰計幾
宮幾度若在地平環上從太陰數至命宮計幾
宮幾度將此度數以太陰所行中道一晝夜行
一十三度一十一分除之看該幾日幾時若太
陰在地平環下將此日時加於懷胎中等月日

內若太陰在地平環上將此日時於懷胎中月
日內減去此數正是懷胎月日之數將此懷胎
月日之數從生時日期以大小月日退除到除
盡時則知是此時受胎此受胎時太陰所在宮
度與生時安命宮度同則知此生時辰真矣吁
此太陰之所以爲身也歟

夜子時

曆家以子之前四刻屬今日爲夜子時而以子
之後四刻屬明日今人生子以夜半者皆作明

日推筭萬一以初爲正則四柱已差兩柱矣禍福豈不舛乎要之如西域法分二十四時而後無兩日共一時犬牙參錯之弊也

夫乙貴人晝夜列

夫乙貴人旦暮所治法當盡一晝夜而後更此古法也蓋壬課以日出之後屬今日日未出之前屬昨日猶夫曆家之以寅月爲今年丑月爲去年云耳如甲日貴人旦治丑暮治未則自日未出以前貴人尚在卯也日出以後貴人在丑

矣日入而後移治未直至子戌夜盡日復出也
而後移治子焉此理之必然無足疑者蓋貴人
一也所治不同耳若從寬申分晝夜則無重複
再遊若以子時分晝夜則一夜每移兩宮而昨
夜之後半與今夜之前半乃同一宮中則有晝
貴宮以間之豈理也哉今習壬者仍譌襲誤而
未之思耳

佛生日

釋迦佛生日之說紛然不一應城陳氏歸雲外

集考辯極詳所引乃釋氏通鑑周書異記汲冢
紀年吳地記謝丞漢書之類而未及乎佛經然
就佛經中亦自紛然不一矣瑞應經則云太子
四月八日夜明星出時生佛所行讚則云於三
月八日菩薩從右脇生過去現在因果經則云
二月八日夫人往毗藍尼園見無憂華舉右手
摘從右脇出故法苑珠林謂世代旣遙譯人前
後直就經文難可論辯考求外典如似可見春
秋魯莊公七年卽莊王二十一年四月辛亥恒星

不見星殞如雨榆內外典當以四月爲正也所以今叢林率以四月八日行浴佛儀然有說焉歲月日之分古今異制華梵殊風如夏建寅周建子則周之四月已非夏之四月而今曆以寅建朔日爲歲首西曆以戌宮一日爲歲首則西域之四月又非中華之四月也西域月之大小常相間如第一月大則第二月小第三月復大不論合朔中華曆法以日月同宮度爲朔日而古用平朔今用定朔則又自不同今所謂八日

者不知是西域之八日乎抑中國之八日乎太
抵貝葉西來翻譯不無藉乎此方之人而人非
篤誠謹守戒律則舞文傅會者往往有之未可
以爲佛語而輕信不疑也

襦襦

字書釋襦襦爲不曉事而不知何以皆從來或
云卽今暑月所戴涼笠以青絹綴簷而蔽日者
也暑月戴此訪人其不曉事可知故程曉伏日
詩今世襦襦子觸熱到人家然說文急就諸書

並無此字

瓊

名義考云古人詠雪多用瓊樹瓊枝瓊瑤皆誤也瓊赤玉也安得以象雪乎按此亦太拘錢氏云詩言玉以瓊者多矣著瓊華瓊英瓊瑩木瓜瓊瑤瓊琚瓊玖皆謂玉色之美爲瓊非玉之名也許叔重云瓊赤玉也然木瓜所謂瓊玖玖黑玉亦非赤也

黃髮鮐背

爾雅云黃髮覲齒飴背考老壽也郭註謂黃髮
髮落更生黃者覲齒齒墮更生細者所訓兒齒
得之若髮則率由黑而黃黃而白白而復黃故
人之始衰也髮晶晶如銀絲而及其篤老乃更
蒼以黃不必落而更生也飴卽河豚其背皮甚
麤澀老人皮膚索澤不寒而栗故似之若訓者
爲色赤黑如狗則入于罵矣

詩韻

金陵李士龍留心字學近爲余同年宋民部屬

令校刻五經四書正文甚殫心力而於易詩書
皆以古韻音釋爲尤精病中閱之誤處亦不少
今畧舉數條于左方

關雎寤寐思服之服音北按凡轉注之例無出
二母者服字在並奉母下轉入職韻當 白不

當音北也今韻書蒲北切中原有服字 勿雄解
吟范睢扶服入橐禮記扶服救之皆音白服服
服三字皆諧服聲而皆音白故徐歲謂服見于
詩者凡十有六皆當爲蒲北切而無與房六叶

者今用幫母音其誤明矣 參差荇菜左右芼
之芼字音末與樂字叶按芼字無音末之例况
末音又與樂音不叶今北人言歡樂之樂其音
皆若滂原自與芼叶不必轉也

葛覃次章唯葉莫莫是刈是漙爲絺爲綌服之
無斃漙音活給叶音學斃叶音約按漙字正音
胡郭切本與莫同韻今音活則反不叶矣此章
與三章俱二句各自爲韻綌斃之音甚諧而強
扭之以合于莫甚無謂也

麟趾章麟之角振振公族角字居六切音與芻
同漢蘇伯玉妻盤中詩今時人知四足與其書
不能讀當從中央周四角可見古韻皆然楊用
修古韻音錄非是此欠註

鵲巢維鳩居之居叶音巨按居字去聲讀之卽
與御叶豈有音巨之理周易屯見而不失其居
蒙雜而著韋玄成詩昔我之隊畏不此居今我
度茲戚戚其懼可見古人常作去聲讀也

采繫公侯之事叶史按轉注例當上紙切讀若

市不當音史

行露誰謂女無家既叶谷又叶工豈有此理後
代作詩第三句率無叶韻者則此何必強爲之
叶乎 何以速我訟訟字平聲讀今音宗非是
羔羊委蛇之蛇音移雖入唐何切然古韻歌峨
波多和皆與支韻相叶則純亦可叶題音矣
殷其雷在南山之下下叶音虎按下字原在匣
母下當侯五切毛詩一十有七陸德明云叶韻
皆當讀如戶

騶虞虞字既叶牙又叶顚無此理如吁嗟麟兮
之例何必叶也

燕燕首章遠送于野野字承與切讀作豎與野
同徐鍇曰豎經典只用野今叶黍非是

終風且霾霾字叶迷惠然肯來來字叶黎按霾
與來俱當如字讀唯思字當叶音腮左傳于思
于思棄甲復來

簡兮右手秉翟翟音狄今音的非

今人多呼研爲研瓦此唐人語也邵伯溫云非
謂以瓦爲研蓋研之中必隆起如瓦狀以不留
墨爲貴百餘年後方可就平古人用意於一研
尚如此況其他乎今之作偽者輒漚其中若白
然以示古又暴烈日中棄其燥渴而飲之以墨
爲墨鏞皆研之賊也

聚寶盆

俗傳沈萬三家有聚寶盆以物投之隨手輒滿
用是致富敵國後爲高皇帝碎而埋於金

陵南門下故名門爲聚寶門初疑其誕今觀聞見錄所紀則宋時有是事矣主父齊賢自言少羈貧客齊魯村落中有牧羊兒入古墓中求羊得一黃磁小扁瓶樣製甚朴時田中豆莢初熟因用以盛之纔投數莢隨手輒盈滿兒驚以告同隊兒三四試之皆然道上行人見之投數錢隨手亦盈滿遂奪以去兒啼號告其父父方耕田持鋤追行人及之相爭競以鋤擊瓶破猶持碎片以示齊賢其中皆五色毒人面相相聯貫色

如新夫金翅鳥心之爲如意珠也有此功用矣
然彼神物也此陶人之所爲耳而其神如之異
哉

蚺蛇

藥中珍蚺蛇膽而餌之能痿陽其蛇絕大以吞
鹿爲恒而南越人徒手取之或呼紅娘子或以
婦人褻衣投之則伏不復動惟人之所牽縋屠
剥殆淫夫之後身歟

李伯時米元章

李伯時米元章雖以書畫知名而其流品故在
秦黃張晁之列故其書畫益重維東坡亦重之
而二子亦心折于東坡然黨禍之作也二子不
及焉元章乃特爲蔡京所厚今世傳一帖云芾
老矣先生勿恤廷議薦之曰襄陽米芾在蘇軾
黃庭堅之間自負其才不入黨與今老矣困於
資格不幸一旦死不得潤色帝業黼黻皇度臣
某惜之願明天子去常格料理之先生以爲何
如晁以道言當東坡盛時李公麟至爲畫嚴廊

像後東坡南還公麟去京師遇蘇氏子弟于途以扇障面不一揖其薄如此故以道鄙之盡棄平生所有公麟之畫於人不復留夫元章滑稽玩世類東方朔時方禁蘇黃黨人而輒自供出雖曰不入黨與直玩弄當時君相於股間耳乃公麟何爲哉則亦俗畫師而已矣以道真快士也

界畫畫

郭恕先畫重樓複閣層見疊出良木工料之無

一不合規矩其人世以爲狂士而寔世外人也
尚於小藝委曲精微如此今之作畫者握筆不
知輕重而輒蔑棄繩墨信手塗抹何哉

法製長生屋

東魯王氏農書載造屋禦火之法曰天生五材
民並用之而水火皆能爲災火之爲災尤其暴
者也夫火得木而生得水而熄至士而盡故木
者火之母人之居室皆資於木易以生患水者
火之壯而足以勝火人皆知之士者火之子而

足以禦火而人未之知也水者救於已然之後
土者禦於未然之前救於已然之後者難爲功
禦於未然之前者易爲力此曲突徙薪之謀所
以勝於焦頭爛額之功也吾嘗觀古人救火之
術宋災樂喜爲政使伯氏司里火所未至徹小
屋塗大屋陳畚揭具綆缶備水器蓄水潦積土
塗表火道此救療之法也鄭災公孫僑爲政郊
人助園史除於國北禳火於玄冥回祿祈於四
鄰此祈禳之法也是皆救於已然之後嘗見往

年腹裏諸郡所居瓦屋則用磚裹杻簷草屋則用泥朽上下旣防延燒且易救護又有別置府藏外護磚泥謂之土庫火不能入竊以此推之凡農家居屋厨屋蠶屋倉屋牛屋皆宜以法製泥土爲用先宜選用壯大材木締構旣成椽上鋪板板上傅泥泥上用法製油灰泥塗飾待日曝乾堅如甃石可以代瓦凡屋中內外材木露者與夫門窗壁堵通用法製灰泥朽壤之務要勻厚固密勿有罅隙可免焚歟之患名曰法製

長生屋是乃禦於未然之前誠爲長策又豈特農家所宜哉今之高堂大厦危樓傑閣所以居珍寶而奉身體者誠爲不貲一旦患生於不測釁起於微眇轉眄搖足化爲煨燼之區瓦礫之場千金之軀亦或不保良可哀憫平居暇日誠能依此製造不惟歷劫火而不壞亦可防風雨而不朽至若闐闐之市居民輳集雖不能盡依此法其間或有一焉亦可以間隔火道不至延燒安可惜一時之費而不爲永久萬全之計哉

製灰泥法用磚屑爲末白墐泥桐油枯如無桐油枯則
以油代之革炭石灰糯米膠以前五件等分爲末將
糯米膠調和得所地面爲磚則用磚模脫出赴
濕於良平地面上用泥墁成一片半年乾硬如
石磚然朽墁屋宇則加紙筋和勻用之不致拆
裂塗飾材木上用帶筋石灰如材木光處則用
小竹釘簪麻鬚惹泥不致脫落

兩頭牛

嘉靖辛酉夏予從先公南歸抵徐沛間舟人言

瀕河民家有牛產犢一身兩頭命取以觀已死
矣兩首東西相背而共一項又聞有五足牛一
道人牽而行乞於市未之見也後開 世宗實
錄則嘉靖間屢有此異按司馬彪曰兩頭者政
在私門上下無別之象也京房易傳曰興繇役
奪民時厥妖牛生五足時分宜擅國時借 上
喜怒爲寒暑而大工叟起倭訐東南兵疲于徵
調民疲于餽餉是其應已

牛生麟

萬曆癸巳丹徒唐里灣民朱旺一家每夜有光
上騰若火已而麟生徧體皆鱗青黑色頂瑩如
玉氤氲如雲氣口紅色頷下有髯項上皆細鱗
具九孔臍以後具六乳一字排列背腹皆巨鱗
橫列長而稍方腹下微紅其腰脊近尾處一巨
鱗上有紋橫五豎一如王字形尾皆細鱗尾稍
一全鱗裹毛四足亦細鱗近蹄二寸無鱗惟直
紋二三見而已生時聲如洪鐘衆以爲怪物斃
而瘞之鄉人殷博士士望聞知往啓而濯之聞

于郡郡守王公塋于北固山二賢祠左繪圖而爲之說又五年前生麟牛之子復生麟數日死王公復瘞之爲雙麟塚云或云斗之生麟前古不經見惟宋朝一時四見而皆在宣政時祥耶妖耶予曰古今言物妖者衆矣不聞以麟爲妖也宣政之間宇內晏安乃過於今日麟之出也亦承平之象歟夫妖祥何常之有恃安而逞欲則無祥非妖思危而修德則無妖非祥妖祥在心不在物也今聖天子惓惓愛民雖一國

用久詘而不忍加賦誠由此一念而充之膏澤之下於民猶建瓴耳卽百祥可致況一麟乎

萬歲山

京師大內後有山峯巒秀整林木鬱茂俗呼爲煤山言其下皆石炭而土覆之以備非常者非也蒙古初起時塞上有一山或言有王氣恐不利於金故金人取其土石輦運之京爲此山而夷其故處後元滅金而代之遂名山曰萬歲云夫輕百姓力至于移山不以爲難非狄人不

能也

陝

說文陝失冉切陝侯夾切而隸書皆作陝失冉切者秦中州也侯夾切者由楚入蜀州也以與秦中陝混故唐人改从石作硤後又从山作峽而印文則仍爲陝州宋元豐中郎官何洵直建言陝與陝相亂請改鑄印文從山事下少府監而監丞歐陽發言湖北之陝州從阜從夾夾从雨人陝西之陝州從阜從夾夾从雨人偏旁不同本不相

亂恐四方謂少府監官皆不識字當時朝士之
議皆是發而卒從洵直言改鑄云周伯琦六書
正譌作𠄎以爲別作狹峽𠄎皆非也

僞術

今之術士往往預緘一紙于案問數者來令書
數字或口舉經書成句談已則開緘示之卽其
所書與口舉者也人皆駭以爲神然其言後皆
不驗夫一念未起卽天地鬼神一切聖賢三世
諸佛無覓我鼻孔處而況區區凡夫乎稍知理

者卽可一笑而唾去矣而上大夫中亦有惑之者何哉石埭孫生挾此起家至爲中祕書丹陽令薛侯嘗爲予詫之曰恐袁天罡邵康節不逮也予應曰思慮未起而能預知之豈但勝袁邵恐伏羲文王周孔皆拜下風矣

巡按訪察

今制巡按御史行縣輒有所名捕多里豪之武斷者與胥吏之舞文者重或立斃杖下輕亦不免流戍破家自予少時猶見人惴惴畏避今則

玩而狎之矣蓋吾邑二十餘年以來有所謂躲
雨會者里豪市猾自知作奸犯科恐罹憲網則
務以厚賂結司理掾史爲援蓋御史耳目常寄
於司理故也而亦有不出於司理者不問何官
不容不寄耳目於人其人來必有所主則奸民
於凡業客舍者皆預結之矣乃或自業客舍於
是所刺訶皆得預聞焉因以爲脫禍計如迷雨
者庇人宇下以免濡濕耳而後乃以中私所銜
者則更能興雲作霧以害人寧止于鑿雨而已

耶金壇一僻小邑已如此況其大者乎觀風者
至必嚴禁窩訪蓋已知其弊久矣然非定言所
能禁卽捕治之多不得其奸予備員史局時嘗
爲御史大夫李公世達言之李公因而奏請
禁革訪察旣乃有言不當懲噎而廢食者復
奏行之近聞此曹與吏胥皆死交諸伍伯皆畏
之卽爲人訐發奸惡有嚴明官長在上鍛鍊榜
笞並出其黨與終不能害以故益無忌憚觀風
之使卽有激揚澄清之志無如耳目所不逮何

雖網密秋荼必不免吞舟是漏可歎也

行李

資暇錄云李字除果名地名人姓之外更無別訓左傳行李之往來杜不研窮意理遂註云行李使人也遂俾今見遠行結束次第謂之行李而不悟是行使耳蓋舊文使字作岑傳寫之誤遂作李焉按左傳僖三十年行李之往來共其乏困襄八年亦不使一介行李告於寡人乃用李字昭十三年行理之命無月不至國語行理

以節逆之乃用理字漢書天文志騎官左角曰
理史天官書作李管子書大理皆作李古文二
字通用理治也料理也適百里者宿春糧適千
里者三月聚糧世有不料理而能行者乎故謂
使人曰行李謂行橐亦曰行李卽行理也

范蠡壬課

吳越春秋吳王欲擇吉日赦越王越王聞之召
范蠡告之曰孤聞於外心獨喜之又恐其不卒
也范蠡曰大王安心事將有意在玉門第六今

年十二月戊寅之日時加日出戊囚日也寅陰
後之辰也合庚辰歲後會也夫以戊寅日聞喜
不以其罪罰日也時加卯而賊戊功曹爲騰蛇
而臨戊謀利事在青龍青龍在勝光而臨酉死
氣也而尅寅是時尅其日用又助之所求之事
上下有憂此豈非天網四張萬物盡傷者乎王
何喜焉果以子胥諫而復囚之石室 按以十
二月將子加卯第一課寅加戊騰蛇第二課第
三課亥加寅太陰第四課申加亥白虎四課中

惟一課上克下以寅爲用三傳寅亥申蛇陰虎
先鋒門既是日鬼課傳四寅又是四鬼所賴末
申爲救却乃旬空不勝四寅一卯之實鬼也況
支臨干克干乃上門亂首夜貴又入獄能免囚

係之辱乎

時克其日以下
乃玉衡經中語

子胥曰今年三月甲戌時加雞鳴甲戌歲位之
會將也青龍在酉德在土刑在金是日賊其德
也知父將有不順之子君有逆節之臣 按三
月當用酉將甲日青龍乘午而此云在酉則卯

上得戌是太陽尚在戌宮也此丑時用旦貴四
課甲亥申戌未辰三傳申巳寅課名蒿矢申乃
旬空蒿矢已無力空亡爲蒿矢無力甚矣能免
夫脫乎又發用申加亥爲六害申又爲日上衝
破又爲日鬼三傳刑戰干克支上神支克干上
神名解離卦干與干上神相破支與干上神相
刑是滿盤畧無和氣故主有逆子叛臣也

按越王歸

日是三月甲辰則此當是二月乃傳寫訛耳

越王謂范蠡曰今三月甲辰時加日狀孤蒙上

天之命還歸故鄉得無後患乎范蠡曰大王勿疑直眡道行越將有福吳當有憂按以三月酉將加日昃未時四課甲辰午辰午申三傳辰午申此斬關課大利逃亡

越王謂范蠡曰今十有二月巳巳之日時加禺中孤欲以此到國何如蠡曰大王且留以臣卜日於是范蠡進曰異哉大王之擇日也王當疾趨車馳人走越王策馬飛輿遂復官闕按此若以十二月子將加巳時則四上克下課名無

卷之九
二二九
祿寅巳子未交互六害三傳皆自刑傷目初酉
破碎土敗于酉辰乃土墓亥爲空財無一可者
范公不應取之當是十二月初大陽尚在丑宮
也丑加巳則四課巳卯亥巳丑酉三傳卯亥未
木局官鬼初末旦暮皆乘白虎克于是謂催官
使者主赴任急速故勸越王車馳馬走以應之
況稍遲延至午時則犯前課無祿之凶危矣

授時氣應

授時曆以前代鑒立曆元不久輒差遂不復遠

迦開闢之初而一以測驗爲準故其法超越前
代至今用之所爲氣應五十五萬六百分乃從
至元十四年丁丑歲冬至前後測日景起至辛
巳年止累歲不差而氣應遂定故以至元辛巳
爲元按史至元丁丑年十一月十四日巳亥景
長七丈九尺四寸八分五釐五毫至二十一日
丙午景長七丈九尺五寸四分一釐二十二日
丁未景長七丈九尺四寸五分五釐以巳亥丁
未二日之影相減餘三分五毫爲晷差進二位

作三百五分以丙午丁未二日之景相減餘八分六釐爲法除之得三十五刻四六用減巳亥至丁未相距日八百刻餘七百六十五刻折取其中如半日刻共爲四百三十二刻半百約爲日得四日餘以十二乘之百約爲時得三時并五十又作一時共得四時餘以十二收之得三刻命初起距日巳卯算外得癸卯日辰初二刻爲丁丑歲冬至卽戊寅天正冬至也又求至元辛巳歲前冬至用加戊寅巳卯庚辰歲餘三次

得一十五萬七二七五又加癸卯日三十九筭
又加入三十二刻半共得五十五萬五百二十
五分今作六百分蓋虛加七十五分以就成數
耳至今已三百餘年當更測驗修改無疑而監
官執守定局百僚漫不加意始者日月交食時
刻多舛今則氣候亦漸差矣予故曰郭氏死法
尚未能施用乃遽議改作不已踈乎

太乙

太乙之術所從來最久世俗流傳往往失真今

所宗尚大率是統宗寶鑑其求積年術置演上
元甲子距元大德七年癸卯歲積一千〇一十
五萬五千二百一十九年以爲七曜齊元之法
然用此積算逆推至上元甲子得氣應三十四
萬七千八百七十五分乃戊戌日酉正三刻非
甲子年甲子月甲子日甲子時也其非七曜齊
元明矣作太乙書者不精算法不明曆法故往
往譌舛如此行之數百年莫爲是正可歎也
以歲實二四除之卽氣策也以氣策二四乘之

卽歲實也今統宗歲實三百八十三萬五千○
四十六分二十五秒而氣策一十五日二千二
百九十三分五十九秒三十七微半以二四乘
之只得三百六十五萬五千○四十六分二十
五秒不合歲實之數

歲實多於大統曆一十八萬三○三七五者乃

日法所餘五百分之積也

統宗日法一萬○五百分

若用大

統曆法以萬分爲日則歲實當三百六十五萬
二千四百二十五分

大抵太乙用數自相矛盾不可勝舉當一以大
統法正之但大統宗授時不遡曆元而太乙須
從開闢甲子起算故未有能合而論之者至嘉
靖間吳郡陳星川先生壤始悟曆元而所推氣
朔七曜四餘大槩與大統相符真超越千古矣
偶得先生所推太乙一小冊恐其湮沒附著于
篇

太乙家演紀上元甲子至

皇明嘉靖四十三年甲子歲距一千一十五萬

五千四百八十算以歲實三百八十三萬五千六十八乘之得通積三十八萬九千四百六十九億五千六百三十七萬二千六百四十又以日法一萬五百除之得實積三十七億九百二十三萬三千九百四十日二五一四二八更以宿周紀二千五百二十累去之餘五百八十日二五一四強則歲前天正冬至在第四紀內甲辰日二十五刻一十四分宿却直氏

又置前通積以朔實三十一萬七十一分二十四秒累去之餘二十九萬七千二百一十八分五十二秒以日法一萬五百約之得閏餘二十八日三〇六五二六用減冬至四十四日二五一四餘得天正經朔十一日九四四九

氣後天一日五五一四其經朔與今見行曆同氣朔欲合直日宿須加三百六十日欲合君基臣基加十年起寅

欲合五福加一百一十五年起乾

欲合陽九甲寅元加一百三十年

欲合百六甲寅元加二千五十年

如欲陽九百六俱合須加三萬六千六百一十年

太乙家又一術演紀上元甲子至

皇明嘉靖四十三年甲子歲距一百九十三萬八千一百二十算以章月八千一百二十六乘之得一百五十七億四千九百一十六萬

三千一百二十如章歲六百五十七而一得
積月二千三百九十七萬一千三百二十八
朔九四九七七一又以月法一千四百四十
七乘整朔得三百四十六億八千六百五十
一萬一千六百一十六如日法四十九而一
得積日七億七百八十八萬七千九百九十
二日一十六刻三十三分又以朔策乘朔下
餘分得二十八日四刻七十三分通計積日
七億七百八十八萬八千二十月二十一刻

○六分更以宿周紀二千五百二十累去之
餘二千三百八十日二一○六則冬至在第
四紀內甲辰日二一○六宿却直虛

氣後天一日五一○六朔後天二十二刻一
十一分氣朔欲合直日宿須加一千八十日
欲合君基臣基加十年起於寅

欲合五福加二十五年起於乾

欲合陽九甲寅元加三百七十年

欲合百六甲寅元加二千七百七十年

如欲陽九百六俱合須加四萬五千九百七十年

太乙家又術演紀上元甲寅至

皇明嘉靖四十三年甲子歲距四十二萬四千五百七十算

陽九術以四千五百六十累去之餘四百九十內減陽九小元四百五十六年餘三十四年乃嘉靖九年庚寅歲入小元以來之數也百六術以四千三百二十累去之餘一千二

百一十年內減百六小元二百八十八凡四次一千一百五十二年外餘五十八年乃正德元年丙寅歲入小元以來之數也

愚按其術專推陽九百六而無氣朔之法又與劉歆三統曆內災歲不協今據二術上下通考卽有一二可徵亦偶中耳

曆元演紀太乙天元甲子至

皇明嘉靖四十三年甲子歲距五千二百九十五萬八百四十算內天元地元各歷二千四

百一十九萬二千外今當人元四百五十六
萬六千八百四十算以歲策三百六十五日
二十四刻二十五分乘之得通積一十六億
六千八百萬四千五十八日七十刻以宿周
紀二千五百二十累去之餘九百三十八日
七十刻則冬至在第四紀內壬寅日七十刻
宿正直星此天地自然真數上考下驗更無
差忒又以積年與朔會總數八億九千七百
六十三萬九千九百九相乘得四千九十九

萬三千七百七十八億四千二百一萬七千
五百六十如元法七千二百五十七萬六千
而一得積朔五千六百四十八萬三千九百
三十一朔九〇六一〇六一五截去整朔止
用朔下餘分以朔策二十九日五十三刻五
分九十四秒乘之得閏餘二十六日七五七
八用減冬至分餘十一日九四二二是爲天
正經朔更考太陽盈縮太陰遲疾而加減之
則得定期矣

曆元算君基以積年加十算起於寅三十年
行一宮順行凡三百六十年為一周大抵太乙預知
人事吉凶故每先期十年巡行邦國以觀人君政治得失

曆元算臣基以積年加十算起於寅三年行

一宮順行凡三十六年為一周君基臣基與甲寅元起午

邪者自然膺合於此亦可見曆元之真信不誣矣

曆元算五福減積二十年起乾歷艮巽坤中
五官每官四十五年凡二百二十五年一周
曆元算四神太乙起一宮天乙起六宮地乙

起九宮直符起五宮各順行十二宮每宮管
三年凡三十六年爲一周一乾二離三艮四
震五中六兌七坤八坎九巽十絳宮巳十一

明堂

申

十二玉堂

寅

曆元算大遊太乙加積年三十四算以滿八
卦周策二百八十八累去之餘再以每卦策
三十六約之爲宮餘卽入宮年數起七宮順
行八九一二三四六而復七也其大遊之目
加積三十四算以九十累去之餘又以十八

去之餘起於未順行十六神遇乾坤俱重一
算若將曆元積年減二算則大遊太乙當起
於丙寅年入八宮之坎其目與起未脗合又
考淘金歌以大遊太乙自七宮之坤逆行者
非是然大遊之說原非正經所有因附辯於
左

愚按太乙之行八宮三歲一遷分司天地人
乃其常也豈有小遊大遊之別哉緣一宮三
年則有三十六箇月後人不達其理遂謂大

遊太乙三十六年行一宮誤人亦甚矣觀移
宮首歲皆起於寅是卽夏正建寅之義也博
雅君子宜加詳正以年爲月可也歲計起于
三歲行一宮月計起寅三十六月行一宮歲
月冥符其庶幾乎

愚又按太乙周紀之法卽易大傳所謂乾之
策二百一十有六坤之策百四十有四凡三
百六十當碁之數也又河圖之數天數終於
九地數終於十相因爲九十圖之象虛中而

行四時又洛書之敘自一至九綜之得四十
五書之數虛中而建八節法實相乘各得三
百六十又勾股術勾三股四弦五積六互乘
亦得此數蓋以三四相因得十二爲月數五
六相因得三十爲日數十二三十相乘共得
三百六十也抑嘗考之歲之周紀古今所同
人所易曉而不可易何歷代造曆者多不能
符也其日之周紀既有一定之常經復有流
行之實數道理玄微深不可測夫易傳之當

替西域之天度經世之用日卦氣之直父皆
常經也惟太乙家獨主流行則實數也蓋自
上古聖人繼天立極躬膺曆數之中深慮夫
後世作曆者不達日起甲子之元故以當時
測定者授諸人若其曆元世代綿遠人以艱
於籌算雖得真傳而截去之矣遂致後來造
曆之徒紛然無定間有推求太乙之元亦不
過勉強遷就求合當時而已但測氣朔餘分
未密曷能得其元之真耶又考宋曆積年周

紀與太乙合者有五曰觀天曰淳熙曰統天
曰淳祐曰會天今以各曆積年俱算至嘉靖
甲子推得觀天曆日合周紀而不合直宿淳
熙曆日合直宿而不合周紀統天淳祐會天
三曆日宿周紀俱不合其他各代諸曆有起
甲子者俱不協周紀法況舍甲子而立元者
乎惟我

皇明啓運曆名大統雖因授時之法能革授時
之弊故愚得以上考往古推出曆元旣協

端合璧連珠之始復符舉正經步緯之中
歸餘則氣朔無殊考驗則古今皆效周紀直
宿自然玄會乾象璣衡罔不參同宋儒嘗謂
曆有一定之法於今可見矣猗歟盛哉

共伯和

五年

宣王甲戌

幽王庚申

幽王庚申

辛丑

武公

丙戌

丙戌

乙未

乙未

乙未

昭帝始

元乙未

元鳳

辛丑

元平

丁未

宣帝末

始戊申

地節

壬子

元康

丙辰

神爵

庚申

景元市

永女成寅

三子淫美

甘露甲申

甘露乙酉

甘露丙戌

建寧己丑

建寧壬辰

天冊乙未

天璽丙申

天祐丁酉

西晉武帝

泰始二酉

咸寧乙未

太康庚子

惠始乙未

永熙庚戌

元熙辛亥

永寧辛酉

太安壬戌

魏明帝

仁宗

天璽癸亥

附遼

應曆丙辰

年甲子

景宗

保寧己巳

乾符丁卯

聖宗

統和癸未

開泰壬子

太平辛酉

第二紀甲子距曆元積年得算四百五十六萬

四五〇四八六五三三五五八五九四六三〇六六六七〇二七三八

周幽王周威烈王漢宣帝西晉惠帝唐高宗宋仁宗大明禎

五年王九年五鳳元年永興元年麟德元年天聖二年洪武十七

辛未庚辰庚辰庚辰庚辰庚辰庚辰庚辰庚辰庚辰庚辰庚辰

壬戌丙午元帝初永嘉十卯上元甲戌寶元庚寅太宗

附錄孝顯王元光武建興西永隆庚辰慶曆辛巳仁宗

公十九年癸丑建昭穆末寶元帝開禧辛巳皇祐己丑洪慶乙巳

惠公癸酉竟寧戊子建武一丑弘道癸未嘉祐丙申宣德丙午

癸酉成帝建永昌子午九毛甲申英宗示英六宗示

已未始已丑明帝示由洪二酉治示甲辰正統丙辰

陽加丁酉成帝示天長庚寅熙寧戊寅

鴻嘉辛丑成和丙戌長壽壬辰元祐戊午

永始丁酉成康乙未天壽萬歲附遺

太平四

一九四一年

西華
卷一

直隸

重刊

道元

生之末

廣雅乙

大康乙卯

1999

—

1

100

1001

第三紀甲子距曆元積年得算四百五十六萬

四五六四九二五二八五六四六〇〇六三六六七二七〇八七四四

周顯王 周顯王 漢王帝 東晉景帝 唐玄宗 宋神宗 大明

三年 十二年 元始四年 興寧二年 開元三年 元豐七年 其宗正

莊王 慎親王 孺子嬰 帝奕太 天寶五年 哲宗元 其宗正

乙酉 辛丑 居攝西黃 和丙寅 肅宗 祐丙寅 統九年

隆王 根王 新恭 簡文帝 至德西申 紹聖甲戌 景帝景

庚子 丁未 初始 咸安 辛未 乾元戊戌 元符戊寅 泰庚午

思王 始建 孝武帝 去唐王 徽宗建 英宗復辟

己巳 天鳳 太元西子 代宗廣 辛巳 宗憲宗成

公六年 甲戌 隆安西 永泰己 大觀丁亥 孝宗弘

桓公 地皇 元興黃 大曆辛 政和辛卯 治戊申

庚午 庚辰 義熙乙巳 德宗 重和戊戌

戊子 始泰 恭帝 建康庚申 宣和亥

閏公 東漢 劉宋 康丙午

傳八
壬戌

光武建高祖永
武乙酉初寒申
中元少帝景
丙辰平亥亥
明帝永附元魏
平戊午道武帝
登國丙戌
皇始丙申
天興戊戌
天賜甲辰
明元帝
永興己酉
神瑞甲辰
泰常丙辰

所宋高宗
建炎丁未
紹興辛亥
附遠
太康十年
甲子太安
乙丑壽
隆乙亥
永帝乾
統辛巳
天慶辛卯
保大辛丑
附金太祖
收國乙未
天輔丁酉
太宗
天會癸卯
熙寧宗
天會乙卯
天眷戊午
皇統辛酉

第四紀甲子距曆元積年得算四百五十六萬

四六二四九八五三四五七〇六〇六六四二六七八七二四七五〇

周惠王周赧王漢明帝劉宋文帝唐德宗南宗高宗
二十年十八年永平七年元嘉元年興元元年
大興元年

襄王附戰國章帝建孝武帝貞元乙丑孝宗隆孝宗弘

庚午七維起初丙子孝建甲午順宗永興發未治十七年

頃王丙午丙元和大明丁酉貞乙酉乾道乙酉武宗正

癸卯秦昭王甲申明帝太憲宗元淳熙甲午徽丙寅

匡王五十年章和始乙巳和丙戌光宗紹世宗嘉

己酉丙午丁亥秦豫王穆宗長熙庚戌靖壬午

定王孝文和帝永泰王慶辛丑寧宗慶

乙卯辛亥元巳元徽元敬宗寶元乙卯

附晉懷莊襄元興順帝昇曆乙巳嘉泰善

公二年壬子乙巳明丁巳文宗太附金

文公始皇瑞帝延齊高祖和丁未皇統四

乙未乙卯平丙午建元巳承周成丙辰年甲子

宣公
安帝永世祖武帝武宗會海陵王
初丁未永明泰昌辛酉天德巳巳

| | | | | | | | |
|----|-----|------|------|------|------|------|----|
| 元初 | 甲寅 | 永寧 | 庚申 | 建光 | 辛酉 | 延光 | 壬戌 |
| 附元 | 太武帝 | 始光甲子 | 神麀戊辰 | 延和壬申 | 太延乙亥 | 太平真君 | 廣順 |

| | | | | | | | | | | | | |
|------|-----|------|------|------|------|-----|------|------|-----|------|------|------|
| 正平辛卯 | 文成帝 | 興安壬辰 | 興光甲午 | 太安乙未 | 和平庚午 | 獻文帝 | 天安丙午 | 皇興丁未 | 孝文帝 | 延興辛未 | 承明丙辰 | 太和丁巳 |
|------|-----|------|------|------|------|-----|------|------|-----|------|------|------|

| | | | | | | | |
|------|------|-----|-----|-----|-----|------|------|
| 貞元癸酉 | 正隆丙子 | 世宗大 | 定辛巳 | 章宗明 | 昌庚戌 | 承安丙辰 | 泰和辛酉 |
|------|------|-----|-----|-----|-----|------|------|

第五紀甲子距曆元積年得算四百五十六萬

四六八五〇四五四〇五七六六二六四八六八四七二〇七五六

周定王戰國漢安帝齊武帝永明二年唐武宗南宗宣宗大明

簡王秦始皇王順帝永建武甲戌明帝永昌四年宣宗大開禧乙丑世宗嘉

丙子十年至建丙寅東晉侯中丁卯嘉定戊辰靖四十三

靈王庚辰陽嘉帝中元己卯懿宗咸理王宗年甲子

庚寅始統永和甲午中興帝已通庚辰寶慶乙酉穆宗隆

景王二世漢安季梁武帝信宗乾紹定戊子慶丁卯

丁巳壬辰建康甲午天監帝符甲午端平甲午

附魯漢高祖冲帝永大通辛未廣明庚子嘉熙辛酉萬曆癸酉

今十二年起乙未嘉乙酉中興己酉中和光啓淳祐辛丑

成公惠帝質帝本大同乙卯辛丑寶祐癸丑

辛未下末初丙戌附元魏文德戊申開慶已未

襄公居后恒帝建泰寧甲子昭宗景定庚申

已丑甲寅和丁亥晉紀已酉附金泰

庚申元壬戌元嘉辛卯永平天子景祐壬子東海郡侯

永明癸巳 乾寧甲寅 泰定己巳

永壽乙未 聖宗丙申 光化戊午 崇慶壬申

延壽丁未 王光季子 大復辛酉 王寧癸酉

永樂丁未 孝昌己巳 宣和乙未

靈帝建 孝昌己巳 貞祐癸酉

寧安甲申 永三乙申 興定丁丑

嘉平壬子 東三乙丑 元光三年

光和平卒 建明戊戌 正大明甲申

安定王 天興壬辰

中興辛亥 三年丁巳

孝丁武帝 附元太祖

永熙壬子 丙寅

三年丁巳 太宗乙丑

附東魏 天保壬寅

孝靜帝 攝政壬寅

天壬甲寅 定宗丙午

元順戊午 后主癸卯

興和己未 顯政己酉

武定癸亥 宣宗壬寅

附西魏 世祖

大統己卯 中統庚午

第六紀甲子距曆元積年得算四百五十六萬

四七四五〇五四六五八二六一八六五四六九〇七二六七六二

周敬王漢文帝 漢靈帝 梁武帝 唐哀帝 宋理宗

八年前元三年 中平元年 興寧元年 景定五年

敬王後元 獻皇帝 梁太祖 開平 度宗

壬午戊寅 初平元年 義興元年 乾化元年 咸亨元年

附晉昭景帝 前興平元年 義興元年 乾化元年 咸亨元年

公五年元乙酉 建安元年 義興元年 乾化元年 咸亨元年

定公中元 延康元年 義興元年 乾化元年 咸亨元年

壬辰壬辰 蜀漢昭 義興元年 乾化元年 咸亨元年

哀公後元 烈章武 義興元年 乾化元年 咸亨元年

丁未戊戌 辛丑 義興元年 乾化元年 咸亨元年

武帝後主建 義興元年 乾化元年 咸亨元年

元辛丑興發卯 義興元年 乾化元年 咸亨元年

元光延興戊午 義興元年 乾化元年 咸亨元年

丁未附元帝 義興元年 乾化元年 咸亨元年

元初附元帝 義興元年 乾化元年 咸亨元年

癸丑附元帝 義興元年 乾化元年 咸亨元年

巳元
未符

和丁未歲恭帝甲午年西曆一千八百一十六年乙未
龍癸丑歲丙午年西曆一千八百一十七年丙午

和丁巳
官向是癸
居太極
武方

齊王正始
武成元年

庚申
河清
壬午

所賦大經一經一十卷

式十庚子

宗太神 英宗

建隆元年王祐守曹

赤鳥戊子

明帝存志

卷之四

附錄明帝天監辛巳

武定丁丑太宗

五原已平大略丁未

巳未和丙戌 命同丁酉

建德王辰
肥宗

天祿

靜而大衆 穆宗

已亥年



局數

天計合大天主地客計計四天地並臣民
歲神神一自算目算目算神一符基基

第一子寅丑乾申七坤三坤三乾兌巽中巳申

第二丑丑子乾酉六戌一戌一乾兌巽中巳酉

第三寅子亥乾戌一亥一丑三乾兌巽中午戌

第四卯亥戌離乾莖丑七辰十離坤巳兌午亥

第五辰戌酉離乾莖寅古巳一離坤巳兌午子

第六巳酉申離亥莖辰十申三離坤巳兌未丑

第七午申未艮子八巳莖亥九艮坎申坤未寅

第八未未午艮丑一坤三艮三艮坎申坤未卯

第九申午巳艮艮三酉五巽三艮坎申坤申辰

與天合其明
與地合其德
與鬼神合其吉凶

| | |
|----|------------------|
| 第十 | 酉巳辰震寅一乾士坤廿震巽寅坎申巳 |
| 十一 | 戌辰卯震卯四丑四戌三震巽寅坎申午 |
| 十二 | 亥卯寅震辰七寅一丑四震巽寅坎酉未 |
| 十三 | 子寅丑兌巽大辰九辰九中巳乾巽酉申 |
| 十四 | 丑丑子兌巳十午九午九中巳乾巽酉酉 |
| 十五 | 寅子亥兌午九坤七酉六中巳乾巽戌戌 |
| 十六 | 卯亥戌坤未一酉三子共兌申離巳戌亥 |
| 十七 | 辰戌酉坤坤七亥七寅共兌申離兌戌子 |
| 十八 | 巳酉申坤坤七子共巽士兌申離巳亥丑 |

太計合太天主地客計計四天地直臣民
歲神神一一目算目算目算神一一符基基

局數

太計合太天主地客計計四天一地直臣民
歲神神一目算目算目算神一符基基

十九午申未坎申八艮世坤西坤寅艮申亥寅

二十未未午坎酉七辰共戌二坤寅艮申亥卯

二十一申午巳坎戌二巳七丑世坤寅艮申子辰

二十二酉巳辰巽乾去未卅辰一坎乾震寅子巳

二十三戌辰卯巽乾去申三巳世坎乾震寅子午

二十四亥卯寅巽亥去戌七申三坎乾震寅丑未

二十五子寅丑乾子荒亥罕亥罕巽離中乾丑申

二十六丑丑子乾丑世艮世艮世巽離中乾丑酉

二十七寅子亥乾艮世卯世巽齒巽離中乾寅戌

| | | | |
|-----|--------|------|-----------|
| 二十八 | 卯亥戌離寅酉 | 巽九坤 | 坎巳艮兌離寅亥 |
| 二十九 | 辰戌酉離卯 | 三未 | 坎戌共巳艮兌離寅子 |
| 三十 | 巳酉申離辰 | 十丑 | 三丑七巳艮兌離卯丑 |
| 三十一 | 午申未艮巽 | 三戌十辰 | 酉申震坤艮卯寅 |
| 三十二 | 未午艮巳 | 五子八午 | 酉申震坤艮卯卯 |
| 三十三 | 申午巳庚午 | 酉艮三酉 | 五申震坤艮辰辰 |
| 三十四 | 酉巳辰震未 | 共卯四子 | 十二寅中坎震辰巳 |
| 三十五 | 戌辰卯震坤 | 五巳 | 坎寅一寅中坎震辰午 |
| 三十六 | 亥卯寅震坤 | 五午 | 七巽共寅中坎震巳未 |

太計合太
 神神一目
 算目算目
 算目算目
 神四天地
 符直臣民
 基

局數

大計合太天主地客計計四天一地直臣民
歲神神一日算目算目算神一一符基基

三十七子寅丑兌申一坤七坤七乾兌巽中巳申

三十八丑丑子兌酉六戌丑戌丑乾兌巽中巳酉

三十九寅子亥兌戌丑酉丑其乾兌巽中午戌

四十卯亥戌坤乾艮丑亢辰土離坤巳兌午亥

四十一辰戌酉坤乾壬寅未巳三離坤巳兌午子

四十二 巳酉申坤亥壬辰十二申酉離坤巳兌未丑

四十三午申未坎子八巳七亥一艮坎申坤未寅

四十四 未未午坎丑丑坤酉艮丑艮坎申坤未卯

四十五申午巳一次艮世二酉七巽五艮坎申坤申辰

| | |
|-----|------------------|
| 四十六 | 酉巳辰巽寅五乾六坤七震巽寅坎申巳 |
| 四十七 | 戌辰卯巽卯四丑八戌七震巽寅坎申午 |
| 四十八 | 亥卯寅巽辰一寅五丑八震巽寅坎酉未 |
| 四十九 | 子寅丑乾巽酉辰五辰五中巳乾巽酉申 |
| 五十 | 丑丑子乾巳六午五午五中巳乾巽酉酉 |
| 五十一 | 寅子亥乾午五坤三酉六中巳乾巽戌戌 |
| 五十二 | 卯亥戌離未九酉世子酉兌申離巳戌亥 |
| 五十三 | 辰戌酉離坤八亥五寅酉兌申離巳戌子 |
| 五十四 | 巳酉申離坤九子酉巽九兌申離巳亥丑 |

歲神神
 太計合太
 神神
 一
 日
 算
 目
 算
 目
 算
 目
 算
 神
 一
 天
 地
 直
 臣
 民
 一
 符
 基
 基

局數

太計合太天主地客計計計四天一地直臣民
歲神神一月算日算日算神一符基基

五十五午申未艮申未艮三坤三坤寅艮申亥寅

五十六未未午艮酉丑辰戌十坤寅艮申亥卯

五十七申午巳艮戌十巳丑一坤寅艮申子辰

五十八酉巳辰震乾三未丑辰丑坎乾震寅子巳

五十九戌辰卯震乾三申丑巳坎乾震寅子午

六十亥卯寅震亥三戌三申丑坎乾震寅丑未

六十一子寅丑父子三亥酉亥酉巽離中乾丑申

六十二丑丑子父丑丑艮丑巽離中乾丑酉

六十三寅子亥父艮丑卯丑巽大巽離中乾寅戌

新大正其基後棟
新大正其基後棟

六十四卯亥戌坤寅土巽十坤七巳艮兌離寅亥
六十五辰戌酉坤卯土未一戌六巳艮兌離寅子
六十六巳酉申坤辰土申酉丑九巳艮兌離卯丑
六十七午申未坎巽土戌二辰六申震坤艮卯寅
六十八未午坎巳七子八午六申震坤艮卯卯
六十九申午巳坎午六艮七酉七申震坤艮辰辰
七十酉巳辰巽未卅卯四子五寅中坎震辰巳
七十一戌辰卯巽坤九巳卅寅五寅中坎震辰午
七十二亥卯寅巽坤九午卅巽九寅中坎震巳未

太計台太天土地客計計四天
地直臣民
歲祿神日算日算神一一符基基

太一君基立成

第一紀甲子

甲子在寅
甲申
入卯
甲寅
入辰

第二紀甲子

甲子在辰
甲申
入巳
甲寅
入午

第三紀甲子

甲子在午
甲申
入未
甲寅
入申

第四紀甲子

甲子在申
甲申
入酉
甲寅
入戌

第五紀甲子

甲子在戌
甲申
入亥
甲寅
入子

第六紀甲子

甲子在子
甲申
入丑
甲寅
入寅

太一八門置上元甲子距所求積年以二百四十累去之不盡

者以三十約之爲直門數命起開門順行休生傷杜景死驚開

周而復始其零數卽所入之門也月日時門倣此求之

太一行宮主客計三目得算立成

太一所臨

一宮

一宮

三

四宮

六宮

七宮

八宮

九宮

1. Introduction

一 二 三 四 五 六 七 八 九 十 十一 十二 十三 十四 十五 十六 十七 十八 十九 二十 二十一 二十二 二十三 二十四 二十五 二十六 二十七 二十八 二十九 三十 三十一 三十二 三十三 三十四 三十五 三十六 三十七 三十八 三十九 四十 四十一 四十二 四十三 四十四 四十五 四十六 四十七 四十八 四十九 五十 五十一 五十二 五十三 五十四 五十五 五十六 五十七 五十八 五十九 六十 六十一 六十二 六十三 六十四 六十五 六十六 六十七 六十八 六十九 七十 七十一 七十二 七十三 七十四 七十五 七十六 七十七 七十八 七十九 八十 八十一 八十二 八十三 八十四 八十五 八十六 八十七 八十八 八十九 九十 九十一 九十二 九十三 九十四 九十五 九十六 九十七 九十八 九十九 一百

ノミ

大平天元年

三申午艮
 酉酉
 巳酉未
 子卯丑
 辰戌
 坤
 寅巳
 申亥
 卯
 午

十精内天皇帝符太尊五行立成定局

| | | | | | | | | | | | |
|---|------|----|---|------|----|---|------|----|---|------|----|
| 甲 | 子申辰戌 | 八二 | 乙 | 酉丑辰酉 | 六八 | 丙 | 寅戌辰亥 | 二二 | 丁 | 卯酉辰寅 | 七三 |
| 戊 | 申子辰乾 | 八二 | 巳 | 酉丑辰乾 | 六八 | 庚 | 寅戌辰乾 | 二二 | 辛 | 卯酉辰寅 | 七三 |
| 壬 | 申辰戌乾 | 八二 | 癸 | 酉丑辰乾 | 六八 | 甲 | 寅戌辰乾 | 二二 | 乙 | 卯酉辰寅 | 七三 |
| 丙 | 申辰戌乾 | 八二 | 丁 | 酉丑辰乾 | 六八 | 戊 | 寅戌辰乾 | 二二 | 巳 | 卯酉辰寅 | 七三 |
| 庚 | 申辰戌乾 | 八二 | 辛 | 酉丑辰乾 | 六八 | 壬 | 寅戌辰乾 | 二二 | 癸 | 卯酉辰寅 | 七三 |

右書者爲陽遁

左書者爲陰遁

十精內飛鳥八風五風三風立成定局

右書者爲陽道
左書者爲陰道

| | | | | | | | |
|-----|----|--------|----|----|----|----|----|
| 七午 | 一子 | 十精 | 七戌 | 三午 | 九寅 | 五辰 | 一子 |
| 寅 | 申 | 內 | 辰 | 子 | 寅 | 辰 | 子 |
| 八未 | 二丑 | 天 | 戌 | 午 | 寅 | 辰 | 子 |
| 酉 | 卯 | 時 | 二 | 四 | 一 | 五 | 九 |
| 九申 | 三寅 | 立 | 一 | 五 | 八 | 六 | 二 |
| 戌 | 辰 | 成 | 四 | 九 | 七 | 九 | 一 |
| 十酉 | 四卯 | 定 | 六 | 二 | 一 | 七 | 三 |
| 亥 | 巳 | 局 | 四 | 六 | 八 | 三 | 七 |
| 十一戌 | 五辰 | 右書者為陽道 | 亥 | 巳 | 八 | 二 | 七 |
| 丑 | 未 | 左書者為陰道 | 一 | 九 | 七 | 三 | 七 |
| 十二亥 | 六巳 | | 九 | 二 | 七 | 三 | 七 |
| 丑 | 卯 | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |
| | | | 八 | 九 | 七 | 三 | 七 |
| | | | 九 | 一 | 七 | 三 | 七 |
| | | | 一 | 二 | 七 | 三 | 七 |
| | | | 二 | 八 | 七 | 三 | 七 |